



SAKSPAPIR

Saksnr	Utval	Type	Dato
22/2022	Bygdeutviklingsutvalet	PS	20.09.2022

Sakshandsamar	Arkiv	ArkivsakID
Tore Henrik Øye	FE-223, FA-V12	22/945

HANDSAMING AV SØKNAD OM BYGDEUTVIKLINGSMIDLAR TIL STAMNES FISKEFESTIVAL OG STAMNES UNGDOMSHUS - STAMNES BYGDALAG

Vedlegg:

Billettinntekter, Stamnes fiskefestival 2022

Søknad om midler til nye stolar og bord for Stamnes Bygdalag

Søknad om stønad til fiskefestival på Stamnes. 0822

Søknad om stønad til oppgradering av Stamnes Ungdomshus Frilund

Kommunedirektøren sitt framlegg til vedtak:

Stamnes Bygdalag får følgjande tildeling av bygdeutviklingsmidlar:

- Kr. 40 000,- til å dekkje utgifter med ulike kulturaktivitetar på Stamnes fiskefestival i 2022 (fast beløp – eingongssum)
- Kr. 50 000,- til vedlikehald av Stamnes Ungdomshus (fast beløp – eingongssum)
- Inntil kr. 20 000,- til innkjøp av stolar og bord til Stamnes Ungdomshus (60 % av dokumentert kostnad).

Tilskotet vert betalt ut etter innsending av sluttrapport med kostnadsdokumentasjon. Utgiftene må vere knytt til kostnadane i søknaden.

Løyvinga gjeld ut 2024. Etter dette vert midlane trekte attende.

1. Det vert ikkje gjeve støtte til drift/gjennomføring/underskotsdekning av Fiskafestivalen på Stamnes
2. Det vert gjeve støtte på kr 10.000 til innkjøp av stolar og bord til Frilund
3. Det vert gjeve støtte til restaurering av Frilund på linje med kommunedirektørens sitt framlegg

Bygdeutviklingsutvalet - Sak 22/2022

BYG - Behandling:

Endringsframlegg frå Edvin Hesjedal, H:

1. Det vert ikkje gjeve støtte til drift/gjennomføring/underskotsdekning av Fiskafestivalen på Stamnes
2. Det vert gjeve støtte på kr 10.000 til innkjøp av stolar og bord til Frilund
3. Det vert gjeve støtte til restaurering av Frilund på linje med kommunedirektøren sitt framlegg

Røysting:

Det vart røysta punkt for punkt i Edvin Hesjedal sitt framlegg:

Punkt 1: Kommunedirektøren sitt framlegg vart vedteke med 3 røyster (Line Eide Vik, Arne Normann, Mona Grenasberg)

Punkt 2: Edvin Hesjedal sitt framlegg vart samrøystes vedteke

Punkt 3: Kommunedirektøren/Edvin Hesjedal sitt framlegg samrøystes vedteke

BYG - Tilråding/Vedtak:

Stamnes Bygdelag får følgjande tildeling av bygdeutviklingsmidlar:

- Kr. 40 000,- til å dekkje utgifter med ulike kulturaktivitetar på Stamnes fiskefestival i 2022 (fast beløp – eingongssum)
- Inntil kr. 10 000,- til innkjøp av stolar og bord til Stamnes Ungdomshus
- Kr. 50 000,- til vedlikehald av Stamnes Ungdomshus (fast beløp – eingongssum)

Tilskotet vert betalt ut etter innsending av sluttrapport med kostnadsdokumentasjon. Utgiftene må vere knytt til kostnadane i søknaden.

Løyvinga gjeld ut 2024. Etter dette vert midlane trekte attende.

Saksopplysningar:

Samandrag/konklusjon (kort om saka)

Stamnes Bygdelag søker om kr. 655 000,- i bygdeutviklingsmidlar, fordelt på følgjande tiltak:

- Kr. 75 000,- til å dekkje utgifter til kulturtiltak ved Stamnes fiskefestival i 2022.
- Kr. 30 000,- til innkjøp av stolar og bord til Stamnes Ungdomshus
- Kr. 550 000,- til vedlikehald av Stamnes Ungdomshus

Tiltaka er vurdert til å samsvare med bygdeutviklingsmidlane sitt føremål, med retningslinjer for tildeling, og tidlegare praksis for løyvingar til liknande tiltak. Kommunedirektøren går i dette høvet inn for følgjande tildelingar:

- Kr. 40 000,- til å dekkje utgifter til ulike kulturaktivitetar ved Stamnes fiskefestival i 2022 (fast beløp/eingongssum)
- Inntil kr. 20 000,- til innkjøp av stolar og bord til Stamnes Ungdomshus
- Kr. 50 000,- til vedlikehald av Stamnes Ungdomshus (fast beløp/eingongssum)

Grunngjevinga for innstillinga går fram under «Vurdering og konsekvensar» i sakshandsaminga. Tilskota vert betalt ut etter innsendt sluttrapport og kostnadsdokumentasjon.

Bakgrunn for saka

Bygdeutviklingsutvalet har tilgjengeleg kr. 275 000,- i tilskotsmidlar til fordeling ved søknadsomgangen i september 2022.

I søknad av 01.08.22 søker Stamnes Bygdalag, v/ Geir Magne Gammersvik, om følgjande tilskot frå Bygdeutviklingsutvalet:

- Kr. 75 000,- til å dekkje kulturutgifter ved Stamnes fiskefestival i -22 (artisthonorar m.m.)
- Kr. 35 000,- til innkjøp av stolar og bord til Stamnes Ungdomshus. Kostnadsoverslag ligg ved
- Kr. 550 000,- til vedlikehald av Stamnes Ungdomshus (både utførte og planlagte tiltak);
 - *Skifte av dører og glas + muring og maling m.m.*
 - *Sikring av eksisterande brønn/vasstilkomst + boring av ny brønn*
 - *Sikring av galleri + oppgradering av sal og elektrisk opplegg m.m.*

Det går fram av søknaden at både ungdomshuset på Frilund og fiskefestivalen på Stamnes dannar grunnlag for viktige kultur- og opplevingstilbod på Stamnes, i form av lagsaktivitetar, aktivt bygdeliv, dugnadsånd, profilering av bygda og opplevingar for tilreisande.

Det er knytt vesentlege kostnadar til å halde ungdomshuset ved like, og å skape eit attraktivt innhald på fiskefestivalen, i følgje søker. Mykje dugnad og eigeninnsats vert lagt til grunn, og tildeling av bygdeutviklingsmidlar vil soleis vere motiverande for framtidig innsats. I dette høvet er grunn-gjevinga for søknaden om tilskot til fiskefestivalen, mellom anna at det også vart arrangert ein annan festival i kommunen den same helga (Elvebrus). Noko som truleg hadde innverknad på oppslutninga om fiskefestivalen, og soleis billettinntektene.

Vedlagt kostnadsoppstilling/budsjett for oppgradering av ungdomshuset, med tiltaksplanar, viser ein samla kostnad på kr. 778 124,-. Dette inkluderer både gjennomførte og planlagte tiltak.

Vedlagt oppsett for utgifter til fiskefestivalen viser ein samla kostnad på kr. 155 000,-. Inntektene ved sal av billetter til dei ulike kulturarrangementa, vart om lag kr. 112 000,-.

Formelt grunnlag

- Kommuneleva - generelle sakshandsamingsreglar.
- «Retningslinjer for tildeling av midlar frå Bygdeutviklingsutvalet», vedtekne 26.05.20:

[Vaksdal kommune - Retningslinjer for tilskot til bygdeutvikling](#)

Vurdering og konsekvensar

Bygdeutviklingsutvalet har kr. 275 000,- i tilgjengelege midlar til fordeling ved gjeldande søknadsomgang.

Bygdeutviklingsmidlane skal vere til ålmenn nytte, og stimulere til trivnad og levande bygdeliv, mellom anna i form av ulike aktivitetar og gjeremål.

Tiltaka det er søkt om midlar til, vert i det følgjande vurderte etter nemnde føremål og

tilskotsordninga sine retningslinjer. I tillegg vert det lagt vekt på tildelingspraksis.

- **STAMNES FISKEFESTIVAL:** Festivalen er eit breitt aktivitets- og opplevingstilbod for alle, både unge og gamle. Festivalen har vorte eit merkevarenamn for stamnesbygda, med stor merksemd og deltaking. Den lokale eigeninnsatsen er stor, og kostnadane med tiltaket er vesentlege.

Bygdeutviklingsutvalet har ved tidlegare høve, gjeve midlar til festivalen Elvebrus på Dale. Dette var sett på som tilskot til oppstart av eit nytt, lokalt tilbod, med midlar til teknisk utstyr. Denne støtta vart vurdert å vere i tråd bygdeutviklingsmidlane sitt føremål om å tilretteleggje for/stimulere til ny aktivitet.

Fiskefestivalen på Stamnes er ein etablert festival, med hovudsakleg årlege arrangement, der kulturtilboda vert finansiert gjennom billettinntekter. I dette høvet vurderer Kommunedirektøren at eit eventuelt tilskot til festivalen, bør vere knytt til utvikling/ nyskaping av tiltaket, eller andre særskilde grunnar, og ikkje til vidareføring av vanleg drift.

Det er avgrensa tilgang på bygdeutviklingsmidlar, og ei generell støtte til festivalar og liknande betalingsarrangementet, vil kunne danna ein prakisk for tildeling av tilskot. Det er difor viktig å ha ein avklart strategi og profil for moglege tildelingar. Faste tilskot til slike arrangement frå kommunen, bør evt. takast inn i ordinære budsjett.

I gjeldande høve vert det ut frå to år utan arrangement (covid) og moglege konsekvensar ved to festivalar i kommunen samstundes, funne grunnlag for å gjere framlegg om å løyve kr. 40 000,- i tilskot til Stamnes fiskefestival i 2022. Det som eit eingongsbeløp og enkelttilfelle.

- **INNKJØP AV STOLAR OG BORD TIL UNGDOMSHUSET:** Tiltaket kan i utgangspunktet sjåast på som drift, gjennom innkjøp av naudsynt inventar, utan tilskotsrett i høve til tilskotsordninga

sine retningslinjer. Men Bygdeutviklingsutvalet har ved tidlegare høve gjeve tilskot til same type tiltak («Vintertreffet»), og Kommunedirektøren finn difor grunnlag for å tilrå ei løyving, med tilsvarande tilskotsgrad (60 % av dokumenterte utgifter).

- **VEDLIKEHALD AV STAMNES UNGDOMSHUS:** Det har ved fleire høve vore søkt om midlar til reparasjon og vedlikehald av ungdomshus, som grunnlag for lokalt lagsliv. Bygdeutviklingsutvalet har diskutert det prisippielle ved å tildele midlar til slike tiltak, og kome fram til at konkrete aktivitets- og opplevingstilbod skal vektast høgare enn tilskot til bygg/ungdomshus, Det er likevel løyvd midlar til oppgradering av ulike lagshus i kommunen, der utvalet hovudsakleg har lagt seg kr. 50 000,- i tilskot, uavhengig av kostnad. I eitt høve er det løyvd kr. 100 000,-. Kommunedirektøren går inn for å løyve kr. 50 000,- i tilskot til oppgradering av grendahuset på Stamnes.

Det er ved tidlegare høve søkt om midlar til tiltak i og kring Stamnes. Retningslinene for tilskotsordninga seier at geografisk fordeling skal vektleggjast ved tildeling. Dette er teke med i vurderinga, men ein finn grunnlag for ei løyving til dei aktuelle tiltaka.

